



თვითმმართველი თემი
თელავის მუნიციპალიტეტის საკრებულო

გ ა ნ კ ა რ გ უ ლ ე ბ ა № 81

„21“ აგვისტო 2015 წელი

თვითმმართველი თემი თელავის მუნიციპალიტეტის
2015 წლის ბიუჯეტის 6 თვის შესრულების ანგარიშის შესახებ

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 ნაწილის „ა“ ქვეპუნქტის და ამავე კოდექსის 24-ე მუხლის პირველი ნაწილის „დ.ა“ ქვეპუნქტის შესაბამისად,

1. თვითმმართველი თემი თელავის მუნიციპალიტეტის 2015 წლის ბიუჯეტის 6 თვის შესრულების თანდართული ანგარიში შეფასდეს დამაკმაყოფილებლად.
2. განკარგულება ძალაში შევიდეს გამოქვეყნებისთანავე;
3. განკარგულების გასაჩივრება შესაძლებელია თელავის რაიონულ სასამართლოში, მისი ძალაში შესვლიდან 1 თვის ვადაში (ქ.თელავი, დავით აღმაშენებლის გამზირი №41).

საკრებულოს თავმჯდომარე



Handwritten signature in blue ink

პაატა გიორგობიანი

თვითმმართველი თემი თელავის მუნიციპალიტეტის მიერ 2015 წლის
ბიუჯეტის 6 თვის შესრულების ანგარიშის შესახებ

თვითმმართველი თემი თელავის მუნიციპალიტეტის 2015 წლის ბიუჯეტი დამტკიცებულ იქნა 2014 წლის 25 დეკემბერს, რის შედეგადაც ბიუჯეტი განისაზღვრა 6503,0 ათასი ლარის ოდენობით.

ამ პერიოდის განმავლობაში ბიუჯეტში განხორციელდა 10 ცვლილება, რაც გამოწვეულია:

- 532,08 ათ. ლარი - წლის დასაწყისში არსებული ნაშთის დაზუსტებით და შესაბამისად მისი ხარჯებში ასახვით.
- 2858,736 ათ. ლარი - საქართველოს მთავრობის 2015 წლის 20 იანვრის N39, „საქართველოს რეგიონებში განსახორციელებელი პროექტების ფონდიდან ადგილობრივი თვითმმართველი ერთეულებისათვის თანხის გამოყოფის შესახებ“ განკარგულების საფუძველზე.
- 911,07 ათ.ლარი - საქართველოს მთავრობის 2015 წლის 12 მარტის N506, „სოფლის მხარდაჭერის პროგრამის ფარგლებში საქართველოს სახელმწიფო ბიუჯეტიდან ადგილობრივი თვითმმართველი ერთეულებისათვის თანხის გამოყოფის შესახებ“ განკარგულების საფუძველზე.

აღნიშნული ცვლილებების გათვალისწინებით, თვითმმართველი თემი თელავის მუნიციპალიტეტის 2015 წლის ბიუჯეტი განისაზღვრა 10804,9 ათ.ლარით.

ფაქტიური შემოსულობების მიხედვით:

ქონების გადასახადიდან 2015 წლის 6 თვის განმავლობაში შემოვიდა 668,7 ათასი ლარი. გეგმა 83,5%-ით.

მათ შორის: საწარმოთა ქონების გადასახადიდან შემოვიდა 503,4 ათასი ლარი. გეგმა შესრულდა 74,4%-ით. აგრეთვე, სასოფლო-სამეურნეო დანიშნულების მიწის გადასახადიდან შემოვიდა 95,2 ათასი ლარი და გეგმა შესრულდა 144,5%-ით, ხოლო, არასასოფლო-სამეურნეო დანიშნულების მიწის გადასახადიდან შემოვიდა 68,8 ათასი ლარი და გეგმა შესრულდა 117,9%-ით.

გრანტებიდან მიღებული შემოსავლები შესრულდა 99,5%-ით. მათ შორის გათანაბრებითი ტრანსფერი - 100%-ით, მიზნობრივი ტრანსფერი დელეგირებული უფლებამოსილების განსახორციელებლად - 99,7%-ით. ფონდებიდან გამოყოფილი ტრანსფერი-96,8%-ით.

პროცენტებიდან მიღებულმა შემოსავალმა 2015 წლის 6 თვის განმავლობაში შეადგინა 20,3 ათასი ლარი, გეგმა შესრულდა 101,3%-ით.

მოსაკრებელი ბუნებრივი რესურსებით სარგებლობებისათვის შესრულდა 112,5%-ით. ბიუჯეტში შემოვიდა 44,98 ათასი ლარი.

სანებართვო მოსაკრებელიდან მიღებულმა შემოსავალმა 2015 წლის 6 თვის განმავლობაში შეადგინა 9,8ათ. ლარი, გეგმა შესრულდა 108,9 %-ით.

2015 წლის 6 თვის განმავლობაში მიღებულმა შემოსავალმა ადგილობრივი მოსაკრებელი დასახლებული ტერიტორიის დასუფთავებისათვის შეადგინა 9,5 ათ. ლარი, გეგმა შესრულდა 63,6 %-ით.

ჯარიმებიდან და საურავებიდან შემოსავლების გეგმა შესრულდა 162,9%-ით. დაგეგმილი იყო 127,0 ათასი ლარი. მიღებულმა შემოსავალმა შეადგინა 206,8 ათასი ლარი.

არაფინანსური აქტივების კლებიდან - არაწარმოებული აქტივებიდან (მიწა) მიღებულმა შემოსავალმა შეადგინა 71,2 ათასი ლარი, გეგმა შესრულდა 101,7%-ით.

სულ შემოსულობების გეგმა შესრულდა 98.1%-ით. 2015 წელის II კვარტალში დაგეგმილი იყო 3570.9 ათასი ლარი (ნაშთის ცვლილების გარეშე), მიღებულმა საკასო შემოსავალმა კი შეადგინა 3503.9 ათასი ლარი.

რაც შეეხება ხარჯებს:

საერთო დანიშნულების სახელმწიფო მომსახურების ხარჯების გეგმა შესრულდა 95,8 %-ით.

ადგილობრივი თვითმმართველობის აღმასრულებელი და წარმომადგენლობითი ორგანოების ხარჯების გეგმა შესრულდა 98,3 %-ით. დაგეგმილი იყო 1195,3 ათასი ლარი, საკასო შესრულებამ შეადგინა 1175,4 ათასი ლარი.

თავდაცვის ხარჯების გეგმა შესრულდა 94,4 %-ით, დაგეგმილი იყო - 61,8 ათასი ლარი, შესრულდა - 58,4 ათასი ლარით.

ეკონომიკურ საქმიანობაში ხარჯების გეგმა შესრულდა 83,0%-ით. დაგეგმილი იყო - 312,4 ათასი ლარი, შესრულდა 259,3 ათასი ლარით.

გარემოს დაცვის ხარჯების გეგმა შესრულდა 65,8 %-ით. დაგეგმილი იყო - 62,0 ათასი ლარი, შესრულდა 40,8 ათასი ლარით.

საბინაო კომუნალური მეურნეობის ხარჯების გეგმა შესრულდა 90,7%-ით. დაგეგმილი იყო - 813,1 ათასი ლარი, საკასო შესრულებამ შეადგინა 737,5 ათასი ლარი.

ხარჯების გეგმა დასვენების კულტურის და რელიგიის სფეროში შესრულდა 89,9%-ით. დაგეგმილი იყო 513,3 ათასი ლარი, საკასო შესრულებამ შეადგინა 461,6 ათასი ლარი.

განათლების სფეროში დაგეგმილი იყო - 643,3 ათასი ლარი, საკასო შესრულებამ შეადგინა 643,1 ათასი ლარი.

რაც შეეხება სოციალურ დაცვის ხარჯების გეგმებს, იგი შესრულდა 86,2 % -ით. დაგეგმილი იყო - 226,6 ათასი ლარი, საკასო შესრულებამ შეადგინა 195,2 ათასი ლარი.

სულ ხარჯების გეგმა შესრულდა 92,2%-ით. დაგეგმილი იყო - 3951,4 ათასი ლარი, საკასო შესრულებამ შეადგინა 3645,6 ათასი ლარი. გეგმის შესრულებას დააკლდა 305.8 ათასი ლარი.

ნაშთის ცვლილების შესახებ

2015 წლის 01 იანვრისათვის თვითმმართველი თემი თელავის მუნიციპალიტეტის საბანკო ანგარიშზე ნაშთი შეადგენდა 532,08202 ათას ლარს, ხოლო 2015 წლის 01 ივლისისათვის ნაშთმა შეადგინა - 390,41466 ათასი ლარი.

თელავის მუნიციპალიტეტის 2015 წლის ბიუჯეტის სარეზერვო ფონდის

ხარჯვის ანგარიში

2015 წელს თვითმმართველი თემი თელავის მუნიციპალიტეტის ბიუჯეტით სარეზერვო ფონდი განისაზღვრა 80,0 ათასი ლარით, საიდანაც გაიხარჯა 7,447 ათასი ლარი გამგებლის მიერ გამოცემული ინდივიდუალურ ადმინისტრაციულ - სამართლებრივი აქტის - ბრძანების საფუძველზე შემდეგი საჭიროების მიხედვით:

1. 0,3 ათასი ლარი - სოფ. კონდოლში მცხოვრები მერი ზურაბიშვილის დროებითი საცხოვრებელი ბინის ქირით უზრუნველყოფის მიზნით; (ბრძ. N34, 30,01,2015წ).
2. 7.147 ათ. ლარი - სოფ. კურდღელაურში ჭარბი ნალექის შედეგად დაზიანებული ინფრასტრუქტურის მოსაწესრიგებლად (ბრძ. N520, 29,05,2015წ).

თელავის მუნიციპალიტეტის მიერ სსიპ საქართველოს მუნიციპალიტური განვითარების ფონდთან გაფორმებული სასესიო ხელშეკრულების მომსახურების შესახებ ანგარიში

2015 წლის 6 თვის განმავლობაში თელავის მუნიციპალიტეტის მიერ გადახდილია საქართველოს მუნიციპალური განვითარების ფონდის მიერ თელავის მუნიციპალიტეტში წინა წლებში განხორციელებული საინვესტიციო

პროექტებისათვის თელავის მუნიციპალიტეტს და საქართველოს მუნიციპალური განვითარების ფონდს შორის გაფორმებული სასესხო ხელშეკრულების შესაბამისად 76.66329 ათ. ლარი, მათ შორის ძირითადი თანხა 44.036 ათ. ლარი, პროცენტის დაფარვა 30.196 ათ. ლარი, ვადაგადაცილებით ჩარიცხვაზე დარიცხული ჯარიმა 2.43129 ათ. ლარი

საფინანსო-საბიუჯეტო და სოციალურ საკითხთა

სამსახურის უფროსი



მიხეილ შაშიაშვილი